



## Publicaziuns dalla vischnaunca, jamna 26

### Damondas da baghegiar

#### Nr. 2011-1044

Datum da publicaziun: igl 1. da fenadur 2011

Il patrun: Lina Barragato, Via Peisel 14, 7186 Segnas

Il representant: Stefan Coray, ing. arch. dipl. FH, Via Lucmagn 4, 7180 Disentis/Mustér

Object: Postar ina casetta da curtin, parcella 1180, Via Peisel 14, 7186 Segnas

#### Nr. 2011-1045

Datum da publicaziun: igl 1. da fenadur 2011

Il patrun: Claudia e Clemens Berther-Bearth, Via Salez 6, 7186 Segnas

Il representant: Claudia e Clemens Berther-Bearth, Via Salez 6, 7186 Segnas

Object: Midada d'intent per diever da habitar, baghetg d'economia sin parcella 60, Via Salez 5, 7186 Segnas

#### Nr. 2011-1046

Datum da publicaziun: igl 1. da fenadur 2011

Il patrun: Oscar e Simone Duff, Campliun 309, 7166 Trun

Il representant: Maissen architectura ed immobilias SA, Via Alpsu 8, 7180 Disentis/Mustér

Object: Casa nova d'ina famiglia, parcella 409, Pardomat 3, 7180 Disentis/Mustér

Ils plans da construcziun ein deponi tier l'administraziun communal.

L'investa publica cuoza 20 dis dapi il datum dalla publicaziun.

Eventualas protestas encunter sura damonda da baghegiar ein d'inoltrar a scret enteifer 20 dis alla istanza da baghegiar, caum postal 57, 7180 Disentis/Mustér. La protesta sto esser motivada e sut-tascretta dil recurrent ni da siu representant.

*Disentis/Mustér, ils 28-6-2011*

*Uffeci da baghegiar Disentis/Mustér*

---

### Lubientscha da baghegiar

L'istanza da baghegiar ha concediu suandonta lubientscha da baghegiar:

#### Nr. 2011 – 1003/04

Sennaria Surselva SA, Via Lucmagn 33, 7180 Disentis/Mustér; cascharia nova, completaziun d'in indrez per drenar scharun (Umkehrosrose), parcella 2883, Via Lucmagn, 7180 Disentis/Mustér

Quella lubientscha sa vegnir contestada enteifer 30 dis dapi la publicaziun el Fegl official dalla Surselva tier la Dertgira administrativa dil cantun Grischun.

*Disentis/Mustér, ils 28-6-2011*

*Uffeci da baghegiar Disentis/Mustér*

---

### Clauder pastira

L'administraziun communal sto adina puspei prender encunter reclamaziuns da hosps ed indigens en connex cun transitar pastiras sin sendas officialas da spassegiar e viandar. Gest tier la pasculaziun da vaccas-mumma ein differentamein sedai malemperneivels ni schizun prigusus inscunters. Nus supplichein ils possessurs d'animals da clauder lur terren e las pastiras aschia, ch'ils viandonts san passar sin las sendas senza impediments e senza disturbar ils animals che pasculeschan.



Cheutras duei vegnir impediù ch'ils animals attaccan persunas, quei che sa haver malempeneivlas consequenzas cun pretensiuns da responsabladad.

Bien engraziament per il risguard.

*Suprastonza communal*

---

### **Plan da quartier Pignola**

Il plan da quartier Pignola ei approbaus definitivamein ed impurtaus el register funsil. Cheutras sa la planisaziun per plazzar menaschis da mistregn vegnir cuntinuada. Suprastonza communal Vischinadis: statuts e fusiuns.

Il 27 da settember 2010 ha la suprastonza communal giu incaricau ina cumissiun sut il presidi da Wendelin Jacomet (Mumpé Medel), alla quala ils presidents dils vischinadis fan part, d'examinar las incaricas dils vischinadis e da ponderar co migliurar la preparaziun dallas elecziuns communalas. Ella ei vegnida alla conclusiun da mantener ils vischinadis e da circumscriber lur incaricas en in model per novs statuts.

La suprastonza communal ha saviu s'accordar cun quella proposta ed ha supplicau ils vischinadis d'approbar ils novs statuts. El medem mument ha ei dau midadas ella cunfinaziun dils vischinadis. Il vischinadi da Cavardiras/Caprau vegn fusiunau cun quel da Disla/Madernal e Pardomat e quel da Mumpé Tujetsch cun il vischinadi da Segnas. La suprastonza communal ha approbau quellas midadas, che ston aunc vegnir sancziunadas dil cussegl da vischnaunca entras in conclus ch'ei da suttametter al referendum facultativ.

Sin fundament dils conclus dallas radunonzas dils differents vischinadis ha la suprastonza communal approbau ils statuts dil vischinadi da Disla/Madernal/Pardomat/Cavardiras, Clavaniev, Segnas/Mumpé Tujetsch e Mumpé Medel.

Il novs statuts passan cun igl empren d'uost 2011 en vigur.

*Suprastonza communal*

---

### **Purschida gratuita**

La vischnaunca da Mustér porscha a ses habitonts la pussevkladad da visitar gratuitamein la Casa da traffic a Lucerna, [www.verkehrshaus.ch](http://www.verkehrshaus.ch). Al spurtegl dall'administraziun communal sa per mintga di digl onn vegnir retratg 5 entradas gratuitas. En quella purschida ei cunteniu:

- entrada gratuita ella Casa da traffic a Lucerna cun museum, planetarium, museum da Hans Erni
- teater da film IMAX per in prezi special (frs. 4.– reduenziun)
- 10% rabat sin artechels ella stizun dil museum

Co fuss ei da far inagada in'excursiun a Lucerna, forsia gest cun nezegiar la carta dil di per viagiare cun quasi tut ils mieds da traffic publics en Svizra? Dapli informaziuns retscheveis Vus tier l'administraziun communal Mustér (tel. 081 920 36 36 ni e-mail: [admin@disentis.ch](mailto:admin@disentis.ch)).

Nus giavischein ina nunemblideivla aventura el museum il pli frequentau en Svizra.

*Suprastonza communal*



### **Basa Pumpiers Sursassiala Incorporaziun 2012**

Persunas che giavischan da vegnir incorporadas ella Basa Pumpiers Sursassiala sin la fin digl onn san far ina damonda correspundenta al commando da pumpiers a scret entochen ils 15 da fenadur 2011. L'adressa secloma: Pumpiers Sursassiala, Via Salez 11, 7186 Segnas, mail: [info@pumpiers.ch](mailto:info@pumpiers.ch).

L'obligaziun da prestar survetsch sedrezza tenor la lescha da pumpiers da mintga singula vischnaunca.

---

### **Clom d'urgenza 118**

#### ***Preziadas vischinas, prezias vischins***

Onn per onn dat ei cass en nies cantun nua ch'ils pumpiers vegnan clamai memia tard sil plaz da seracass. Savens emprovan habitontas e habitonts da cuntonscher pumpiers ch'els enconuschan via telefon privat. Il temps che va aschia a piarder ha ils davos dus onns caschunau la veta a duas persunas el Grischun!

Plinavon daventan ils donns cun mintga minuta spiarsa pli gronds. Perquei s'adressesin nus a Vus cun ina ferventa supplica: clamei ils pumpiers mo sur il clom d'urgenza 118. Era sche Vus veis mo in pign problem sa il polizist che pren encunter Vies telefon reagir aschia che mo ina pintga gruppa d'agid ni singulas persunas vegnan clamadas.

Ulteriuras informaziuns era davart la prevenziun anfleis Vus sin nossa pagina [www.pumpiers-sursassiala.ch](http://www.pumpiers-sursassiala.ch).

Engraziel per Vies sustegn!

*Vos pumpiers Sursassiala*

---

### **Prof. Dr. med. Luc Ciompi im Disentiser Klosterforum**

Am Montag, 4. Juli 2011, spricht um 20.30 Uhr im Peter Kaiser Saal des Klosters der bekannte Arzt und Psychotherapeut Prof. Dr. Luc Ciompi über das Thema: „Gefühle machen Geschichte – Die Wirkung kollektiver Emotionen von Hitler bis Obama.“

Kollekte zur Deckung der Unkosten. Herzliche Einladung Kloster Disentis

*P. Urban Affentranger*

---

### **Secziun da catschadurs Péz Alpetta Mustér trenament da sittar el center da tir a Sars sut**

7-7-2011 gievgia 18.00–20.00  
21-7-2011 gievgia 18.00–20.00  
5-8-2011 venderdis 18.00–20.00  
12-8-2011 venderdis 18.00–20.00  
19-8-2011 venderdis 18.00–20.00  
20-8-2011 sonda 13.00–18.00



***tir intern P.z Alpetta***

25-8-2011 gievgia 18.00–19.00  
15-9-2011 gievgia 18.30–19.30  
24-9-2011 sonda 6.00–15.00

catscha communabla voluntaria

*La suprastonza*

---

**Ludoteca Mustér**

Liug/Ort: Halla Cons, tel. 076 494 39 92  
e-mail: ludoteca@disentis.ch

*Uras d'avertura / Öffnungszeiten:*

Gliendisdis/Montag: 18.30–20.00  
Gievgia/Donnerstag: 16.00–17.30  
Venderdis/Freitag: 18.30–20.00

**Adatg! Ils meins fenadur ed uost resta la ludoteca mintgamai serrada la gievgia.**

---

**Fiera medelina**

**Siehe/mira sut Medel.**

---

**Biblioteca populara Mustér**

**Liug:** Casa da scola, tel. 081 947 52 90, biblioteca@disentis.ch

Sut [www.disentis.ch](http://www.disentis.ch) ni [www.bibliotecas-surselva.ch](http://www.bibliotecas-surselva.ch) anfleis Vus nies entir catalog bibliotecar. Per e-mail saveis Vus reservar ina ni pliras medias ed enteifer 5 dis retrer ad emprest ellas en biblioteca populara.

*La biblioteca ei aviarta:*

*Gliendisdis 18.30–20.00*  
*Mardis 13.30–15.00*  
*Gievgia 16.00–17.30*  
*Venderdis 18.30–20.00*

Nies motto: Leger . . . tedlar . . . mirar . . . !

Nus selegrein da mintga viseta.  
*Biblioteca populara Mustér*

---